

Esdras

Esdras eliyaya se tlamachtijquetl tlen itlanahuatilhua Moisés ipan Babilonia campa quihuicatoyaj para tetequipanotij. Ni amatlapohuali Esdras quisenhuiquilía campa tlanque 2 Crónicas. Quema Ciro ipan Babilonia quimacac tlanahuatili para israelitame ma quisaca nopona huan ma mocuepacá ipan inintlá, se grupo quisqui catli quinnyacanaya-ya Zorobabel ipan xihuitl 538 a.C. Ni amatlapohuali techmaca se lista tlen nopa israelitame catli mocuepque. Injuanti quicualchichijque nopa tiopamitl huan sempa pejque quihueyichihuaj TOTECO nopona. Teipa Esdras techpohuilía quenicatzá yaya teipa quisqui Babilonia ica sequinoc israelitame. Yaya quisqui ica se grupo tlen israelitame quema Tlanahuatijquetl Artajerjes quimacac Esdras tlanahuatili para mocuepas ipan Jerusalén ipan xihuitl 458 a.C. Huan quihualicayaya tlanahuatili para quinmachtis nopa masehualme para sempa ma quitoquilica itlanahuatilhua Moisés huan ma quihueyichihuaca TOTECO quen quinamiqui.

Esdras quipiya eyi partes:

Esdras 1—2 Injuanti catli mocuepque inintlá ica Zorobabel

Esdras 3—6 Sempa quichichijque nopa tiopamitl huan quiiyocacajque para TOTECO

Esdras 7—10 Esdras mocuepqui ipan itlá ica sequinoc israelitame.

Nopa tlanahuatili catli Tlanahuatijquetl

Ciro quiijeuilo

(2 Cr. 36:22-23)

I Ipan nopa xihuitl quema Tlanahuatij-
quetl Ciro san pejtoya tlanahuatía ipan
tlali Persia, TOTECO quiyoltacani ma quit-
tlani ni tlanahuatili campa hueli ipan nochí
altepeme ipan nochí tlalme ipan itlanahu-
tilis. TOTECO quichijqui ni para ma quitla-
milti nopa camanali catli teyolmelajtoya
achtihuiya ica tlajtol pannextijca Jeremías
para teipa panos. **2**Huan nica eltoc catli Ci-
ro quiijto ipan nopa tlajcuiloli:

Na niTlanahuatijquetl Ciro ipan
tlali Persia, nimechilhuía para TO-
TECO Dios catli quichijqui ilhuicactli
nechmactilijtoc nomaco nochí tlalme
ipan tlaltipactli para ma niquinna-
huati. Huan ama nechtequimacatoc
sempa ma nijchihuili itiopa ipan alte-
petl Jerusalén ipan tlali Judá.

3 Ma Toteco Dios anmechtiochi-
hua nochí anisraelitame catli campa
hueli anitztoque ipan tlalme catli
noaxcahuá ipan notlanahuatilis. Ni-
mechyolmelahua para nochí amo-
juanti catli anquinequij hueli amno-
cuepase altepetl Jerusalén para an-
quichihuati itiopa amOTECO Dios
anisraelitame, yaya catli iaxca Jeru-
salén. **4** Huan nochí anmasehualme
catli anmopantíaj nechca israelita-
me catli yase para quichihuase nopa
tiopamitl, monequi xiquinpalehui-
ca. Xiquinmacaca oro, plata, huac-
caxme huan tlamantzitzí catli pati-
yo. Huan nojquia monequi xiquin-
macaca tomi quen catli ipan amoyo-
lo quisa para quitequihuise ica catli
monequis ipan itiopa Toteco Dios
ipan altepetl Jerusalén.
Quej nopa quiijto nopa tlajcuiloli.

**Nopa israelitame mocuepque
ipan Jerusalén**

5 Huan Toteco Dios quinyltacani ma yaca miyac tlayacanca israelita tatame catli hualajque ipan nopa huejhueyi familias Judá huan Benjamín. Huan nojquiya yajque miyac totajtzitzí huan levitame. Huajca nochí catli TOTECO quinyltacani ma quichijchihuati sempa itiopa ipan altepetl Jerusalén, mocualtalijque para yase. 6 Huan nochí inincalnechcahua quinpalehuijque ica miyac tlamantli tlen oro, plata, huacaxme huan ica tlamantzitzí catli patiyo. Nojquiya iyoca quinmacaque tomi quen catli ininyolo quisqui para temacase para itiopa TOTECO. 7 Quipixqui miyac xihuitl nopa Tlanahuatijquetl Nabucodonosor quiichtequilijtoya miyac tlamantli itiopa TOTECO ipan Jerusalén huan quihualicac altepetl Babilonia huan quicalaquijtoya ipan inintiopahua iteteyohua. 8 Huan ama Tlanahuatijquetl Ciro catli tlanahuatía ipatlaca ipan tlali Persia quiqxiti nochí nopa tlamantli catli pajpatiyo. Huan quinahuati Mitrídates catli qui-mocuitlahui itomi ipan itlanahuatilis para ma quipohua nopa tlamantli huan ma quimactili Sesbasar catli quitequimacac ma quinyacana masehualme catli sempa mocuepque ipan tlali Judá.

9-10 Huan ya ni catli quimacac para ma quihiuica:

tasas tlen oro	30
platos tlen plata	1,000
popochcomitl	29
platos tlen oro	30
tazas tlen plata	410
sequinoc tlamantli	1,000

11 Ica nochí elqui 5,400 tlamantli tlen oro huan plata catli quimacaque Sesbasar para ma quihiuica altepetl Jerusalén.

**Nopa israelitame catli mocuepque
ipan Jerusalén**
(Neh. 7:5-73)

2 Nica eltoc inintoca nopa israelitame catli quistejque tlali Babilonia huan sempa yajque altepetl Jerusalén huan campa hueli ipan tlali Judá campa ejque ininhueyi tatahua. Tlanahuatijquetl Nabu-

codonosor huejcajya quinhuicatoya ininhuejapan tatahua ilpitoque hasta Babilonia para tetequipanose. Nojquiya nica eltoc quesqui tlacame mocuepque catli hualajque ipan sesen ininhuejapan tata catli quipehualti sesen familia. 2-20 Nopa tlaya-canca tlacame catli mocuepque ica Zorobabel elque: Jesúa, Nehemías, Seraías, Reelaías, Mardoqueo, Bilsán, Mispar, Bigvai, Rehum huan Baana. Huan nica techilhuía quesqui sequinoc israelita tlacame yajque ihuaya Zorobabel huan ajqueya ininhueyi tata. Yajque tlacame catli itzttoyaj iteipan ixhuihua ni hueyi tatame huan nica techilhuía quesqui ininteipan ixhuihua yajque:

Hueyi tata	Quesqui
Paros	2,172
Sefatías	372
Ara	775
Pahat Moab tlen Jesúa huan Joab	2,812
Elam	1,254
Zatu	945
Zacai	760
Bani	642
Bebai	623
Azgad	1,222
Adonicam	666
Bigvai	2,056
Adín	454
Ater iixhui Ezequías	98
Bezai	323
Jora	112
Hasum	223
Gibar	95

21-35 Nojquiya yajque ihuaya Zorobabel tlacame tlen ni altepeme huan nica techilhuía quesqui yajque tlen sese altepetl:

Altepelt	Quesqui
Belén	123
Netofa	56
Anatot	128
Bet Azmavet	42
Quiriat Jearim, Cafira huan Beerot	743
Ramá huan Geba	621
Micmas	122
Betel huan Hai	223

Nebo	52
iteipan ixhuihua Magbis	156
Elam	1,254
Harim	320
Lod, Hadid, Ono	725
Jericó	345
Senaa	3,630

Totajtzitzit catli mocuepque
36-39 Nopa israelita totajtzitzit catli mocuepque elque inixhuihua ni familias huan nica techilhuía quesqui yajque:

Familia	Quesqui
Jedaías huan icono Jesúa	973
Imer	1,052
Pasur	1,247
Harim	1,017

**Levitame catli amo totajtzitzit
catli mocuepque**

40 Nopa levitame catli amo totajtzitzit catli mocuepque elque 74 tlen nopa familias Jesúa huan Cadmiel catli elque iixhuihua Hodavías.

41 Mocuepque 128 huicani tlen nopa familia Asaf.

42 Mocuepque 139 tlamocuitlahuiani ipan ipuertajyo tiopamitl tlen familias: Salum, Ater, Talmón, Acub, Hatita huan Sobai.

43 Huan ni tequipanohuani catli tequitque tiopan calijtic quipixque inixhuihua catli mocuepque tlen nopa tlalme campa quinhuicatoyaj:

Ziha, Hasufa, Tabao,
44 Queros, Siahá, Padón,
45 Lebana, Hagaba, Acub,
46 Hagab, Salmai, Hanán,
47 Gidel, Gahar, Reaía,
48 Rezín, Necoda, Gazam,
49 Uza, Paseah, Besai,
50 Asena, Meunim, Nefusím,
51 Bacbuc, Hacufa, Harhur,
52 Bazlut, Mehída, Harsa,
53 Barcos, Sísara, Tema,
54 Nezía huan Hatifa.

55 Huan ni tlacame catli huejcajya eliyayaj itequiticahua Salomón quinpixque ininteipan ixhuihua catli mo-

cuepque tlen nopa tlalme campa quinhuicatoyaj:

Sotai, Soferet, Peruda,

56 Jaala, Darcón, Gidel,

57 Sefatías, Hatil, Poqueret Hazebaim huan Ami.

58 Huajca san sejco nochí tequipanohuani ipan tiopamitl huan nochí catli itztoyaj ininteipan ixhuihua itequiticahua Salomón mochijque 392.

59 Sequinoc masehualme nojquiya mocuepque Jerusalén catli quisque ipan tlali Persia tlen altepeme Tel Mela, Tel Harsa, Querub, Addán huan Imer. Pero amo huelque quinextíaj sintla nelía israelitame pampa amo quipantijque inintocax, niyon inintoca inintatahua ipan nopa lista campa eltoya nochí israelitame catli quinhuique Babilonia achtíhuiya. 60 Elque 652 ni tlacame catli elque iteipan ixhuihua Delaífa, Tobías huan Necoda.

61 Huan nojquiya ipan ininteipan ixhuihua nopa totajtzitzit itztoyaj sequin catli amo quipantijque inintoca. Itztoyaj ininteipan ixhuihua Habaía, Cos huan Barzilai. Barzilai quiseli nopa itoca pampa mosihuajti ihuaya iichpoca se tlacatl catli itoca Barzilai catli ejqui tlali Galaad huan quiseli itoca ifamilia isihua. 62 Huan nojquiya amo quipantijque inintoca ipan amatlapohuali huan huajca nochí quinitaque para amo tlapajpacme iiipa TOTECO para tequipanose quen totajtzitzit. 63 Huan nopa tlanahuatijquetl quinlhui para amo ma quicuaca inintlacualis totajtzitzit hasta se totajtzi quitlatzintoquilisquia TOTECO ica nopa piltetzitzit catli itoca Urim huan Tumim, nopa dados tlatzejzelotic tlen TOTECO, para quimatis sintla nelía eliyajaj totajtzitzit o amo.

64 Quema mosentilijque san sejco para ma mocuepaca eliyayaj 42,360 masehualme, 65 huan iyoca 7,337 inintequipanojachua, sihuame huan tlacame. Huan nojquiya itztoyaj 200 huicani, sihuame huan tlacame. 66 Huan quinpixque 736 cahuayojime, huan 245 mulas, 67 huan 435 camellos huan 6,720 burrojme.

68 Huan quema ajiscoj ipan altepetl Jerusalén campa eltoya itiopa TOTECO, se-

quin npa tlayacanca tatame temacaque tomi quen ipan ininyolo quisqui para tlapalehuise para quicualtlalise npa tiopamitl. ⁶⁹Sese inijuanti temacaque catli huelque huan quen quipixque paquilstli temacase. Huan quisentilijque 61,000 oro tomi, 3,000 kilos tlen plata huan 100 ininyoyo totajtzitz.

⁷⁰Huan nochí inijuanti catli eliyayaj totajtzitz o levitame mocajque ipan altepetl Jerusalén huan nopona mochantijque. Pero npa huicani huan catli quimocuitlahuise tiopamitl ipuertajyo, huan catli tequitise tiopan calijtic huan nochí se quinoc israelitame yajque mochantitoj ipan altepeme campa hualajtoyaj inintatihu campa hueli ipan tlali Judá.

Israelitame quichijque se tlaixpamitl

3 Huan quema pejqui npa metztlí chi come ipan toisraelita calendario^a, nochí npa israelitame catli mocueptoyaj ya mochantijtoyaj ipan inialtepe, hualajque mosentilicoj ica san se ininyolo ipan Jerusalén. ²Huan teipa Jesúa, icone Josadac, huan iicnihua catli eliyaya totajtzitz, huan Zorobabel, icone Salatiel, ihuaya iicnihua pejque quichihuaj se tlaixpamitl para ipan quitlatise tlacajcahualistli para Toteco Dios. Huan quichijque npa tlaixpamitl quen quiijto itlanahuatl Moisés, yaya catli eliyaya itequipanocea Toteco Dios. ³Huan quiquetzque cuali npa tlaixpamitl campa eltoya achtihuiya huan pejque quitlatij tlacajcahualistli ica ijnaloc huan ica tiotlac para TOTECO, masque tlahuel quinimacasiyayaj npa masehualme catli itztoyaj ipan npa tlali. ⁴Huan nojquiya quema ajsic npa ilhuitl tlen pilxajcaltzitz, ilhuichijke quen quiijto itlanahuatl Moisés. Huan mojmostla quitlatiyayaj tlacajcahualistli quen imiyaca npa tlanahuatili quiijto monequiyaya ipan sesen tonal. ⁵Huan nojquiya quitlatiyayaj nochí tlacajcahualistli ipan npa tonali quema pehuayaya yancuic metztlí, huan ipan nochí il-

huime tlatzejtzeloltique para TOTECO catli monejqui quichihuase sesen xihuitl. Huan iyoca npa masehualme quihualicayayaj npa tlacajcahualistli para quimacase TOTECO catli ipan ininyolo quisqui. ⁶Huan pejque quitlatij npa tlacajcahualistli para TOTECO ipan npa tonal 15 itequi septiembre. Pero ayamo quipehualtijtoyaj quicualtlalijaj itzinpehualtil npa tiopamitl. ⁷Teipa quintlaxtlahuijque tepanchihuani huan cuaximani para ma tequitica. Huan nojquiya quinmacaque tlacualistli, tlaili huan aceite npa tlalme Sidón huan Tiro ehuani para quihualicase npa tiocuame tlen tlali Líbano ipan hueyi atl hasta altepetl Jope quen Tlanahuatijquetl Ciro tlen tlali Persia tlanahuati ma quichihuaca.

Quipehualtijque quicualtlalijaj nopa tiopamitl

⁸Huan pejque quicualtlalijaj itiopa Toteco Dios ipan npa ome metztlí ipan toisraelita calendario^b quema yohuiyaya para ome xihuitl npa israelitame ajsitoyaj sempa ipan Jerusalén. Huan pejque tequitij nochí catli mocueptoyaj tlen tlali Babilonia campa quinhuicaque ininhuejcapán tatahua. Huan quinycanayaya Zorobabel, icone Salatiel, huan Jesúa, icone Josadac, inihuaya iniicnihua catli totajtzitz huan nochí levitame. Huan quintequimacaque npa levitame catli quipixque 20 xihiuitl o más para ma quitlachilijtiyase npa tequitl para sempa quiquetzase itiopa TOTECO. ⁹Nopa huejhueyi tlayacanani el que Jesúa ihuaya iconehua huan iteiximatcahua: Cadmiel, iixhui Judá huan icoñehua, huan Henudad huan iconehua. Nochí ya ni eliyayaj levitame. Huan nochí inijuanti mosentilijque para quinycanase catli tequitiyayaj ipan npa tiopamitl.

¹⁰Huan quema npa tequipanohuani quitlalijque itzinpehualtil npa tiopamitl, hualajque npa totajtzitz huan motlalilijtoyaj ininyoyo catli quitequihuáj ipan itiopa TOTECO. Huan pejque quipitzaj tla-

^a3:1 Pehua ipan itlamiya septiembre, o ipan octubre o ipan ipejya noviembre ipan tocalendario tlen ama. ^b3:8 Elqui huejcayja ipan se abril o mayo ipan tocalendario tlen ama.

pitzali huan nopa levitame catli iteipan ix-huihua Asaf moquetzque ica inincímbalos para tlatzotzonase huan quihueyichihuase TOTECO quen Tlanahuatijquetl David qui-jcuilo ma mochihua. ¹¹Huan huicaque huan quitlascamatque TOTECO ica ni hui-catl:

“Xijtlascamatilica TOTECO pampa ya-ya nelía cuali.

Hueyi itlaicnelil ica israelitame para nochipa.”

Huan nochí nopa masehualme tzajtziqé ica paquillistli huan quihueyichijque TO-TECO pampa quitlaliliyaj itzinpehualtil nopa tiopamitl. ¹²Huan miyac nopa totaj-tzitz huan levitame catli eliyaya huehuen-tzitz huan quitztoyaj nopa achihui tiopamitl chocayayaj chicahuac pampa quittaya-yaj quenicatza quipehualtijtoyaj quicuallalíaj sempa. Huan tzajtziyaj ica paquillistli. ¹³Huan tlahuejchihuayayaj huan huejca ca-quistiyaya. Pero amo aqui hueliyaya quimati ajqueyame chocayayaj huan ajqueyame paquiyayaj pampa tlahuel chicahuac tlahuejchihuayayaj.

Sequinoc quitzacuiliijque nopa tequitl

4 Huan quema nopa masehualme catli mocahuayayaj ipan tlalme Judá huan Benjamín quimatque para inincualanca-itacahua nopa israelitame catli mocuepto-yaj tlen tlali Babilonia, sempa quiquetzayayaj itiopa TOTECO Dios, ²yajque quiitatoj Zorobabel huan ne sequinoc tlayacana-ni huan quinlhuijque:

—Techcahuilica titequitise amohuaya pampa tijtemohuaj amoTeco Dios quen amojuanti. Huan tijmacatoque tlacajcahu-listli hasta quema Tlanahuatijquetl Esar Hadón tlen tlali Asiria techhualicac nica.

³Huan Zorobabel, Jesúa huan nopa tlayacanca israelitame quinnanquilijque:

—¡Amo! Amo quinamiqui para antech-palehuise ipan ni tequitl pampa amo tleno anquipiyaj tohuaya. Tojuanti toseltzitzti tijcualtlalise itiopa TOTECO Dios pampa quej nopa technahuatijtoc Tlanahuatij-quetl Ciro tlen tlali Persia.

⁴Pero teipa nopa masehualme catli no-pona ejque quitemojque quenicatza huelis

quintzinquixtise para ayacmo ma tequiti-ca ipan nopa tiopamitl. ⁵Huan quintitlan-que sequinoc para quinistlacahuise iixpa Tlanahuatijquetl Ciro ipan tlali Persia. Nojquiya san se quichijtiyajque hasta mi-yac xihuít teipa quema pejqui tlanahuatí-a Tlanahuatijquetl Darío npona.

Inincualancaitacahua quiijcuilojque Artajerjes

⁶ Quema mijqui Ciro huan pejqui tlanahuatí-a Asuero ipan Persia sempa quitlaj-cuilhuijque huan quintelhuijque nopa israelitame catli mocueptoyaj ipan tlali Judá huan ipan altepetl Jerusalén. ⁷Huan nojquiya sempa quichijque teipa quema tlanahuatiyaya Artajerjes ipan tlali Persia. Ipan nopa tonali Bislam, Mitrídates, Tab-eel huan ininhuampoyohua quitlajcuilhuijque ica camanali huan tlajcuiolli arameo. ⁸⁻⁹Nojquiya Rehum catli eliyaya goberna-dor huan Simsai catli eliyaya tlajcuiloj-quetl ininhuaya ininhuampoyohua qui-tljcuilhuijque Tlanahuatijquetl Artajerjes para quintelhuise nopa israelitame catli tlacualtlaliyaj ipan Jerusalén. Noj-quiya ininhuaya itztoyaj ipan nopa tlaj-cuiolli sequin jueces, huan tequitini, huan sequin gobernadores catli ehuayayaj tlali Babilonia huan nopa elamita masehualme ipan altepetl Erec huan Susa. ¹⁰Huan inin-huaya itztoyaj ipan tlajcuiolli miyac se-quinoc masehualme catli quinhualicatoya nopa hueyi tlanahuatijquetl Asnapar tlen inintlatl huan quinsehuijtoya ipan altepetl Samaria huan campa hueli ipan nochí no-pona tlalme catli eltoc ipan ni nali atemitl Eufrates campa temo tonati.

¹¹Huan ya ni se ixicopinca tlen nopa amatljcuiloli catli nochí quititlanilijque Tlanahuatijquetl Artajerjes. Quej ni quiij-tohua:

Tlanahuatijquetl Artajerjes,
Tojuanti timotequipanojcahua ipan ni nali atemitl Eufrates campa temo tonati, timitztlajpalohuaj.

¹²Timitzmachiltiáj para nopa isra-elitame catli quisque campa tiitztoc ipan tlali Babilonia huan mocueptoque

hasta altepetl Jerusalén, quicualtlalíaj nopa altepetl catli nochí quimati j eliya ya se altepetl tlahuel fiero ica masehualme catli mosisíníaj. Huan ya qui-pehualtijtoque quicualtlalíaj nopa te-pamitl huan quitlalíaj itzinpehualtil nopa tiopamitl.

13 Huan nojquiya timitzmachiltíaj sintla ni altepetl quicualtlalise, amo mitztlaxtlahuise finca, niyon impuestos, niyon catli hueli tomi catli quinamiqui huan tijpolos miyac tomi. **14** Huan pampa ta tlahuel techpalehuj-toc, tijnequiyayaj timitztitlanilise ni para timitzmachiltise catli quichihuaj ni israelitame. Amo aqui tijcahuilise ma mitzixpano o amo ma mitztlepani-tas. **15** Huajca timitzilhuíaj para xij-te-mo ipan nopa amame catli tohuejcapan tatahua quiajoctoque. Nopona timo-macas cuenta para ni altepetl tlahuel fiero huan mahuillili para tlanahuati-aní. Huan masehualme catli npona ej-que mosisíníjque, huan motlananque huan yeca monejqui quisosolose. **16** Nojquiya sintla ni altepetl quicualtlalise, xijmati para ayacmo tleno elis moaxca ipan ni nali atemitl Eufrates para campa temo tonati.

Nopa tlanahuatili catli Tlanahuatijquetl

Artajerjes quijcuilo

17 Huajca Tlanahuatijquetl Artajerjes quintitlanili se tlajcuiloli para quinnan-quilis huan quijto quej ni:

Gobernador Rehum,
huan nopa tlajcuilojquetl Simsai
huan nochí amohuampoyohua catli an-itztoque ipan altepetl Samaria huan catli anitztoque ipan catli hueli tlali ipan ne seyoc nali Eufrates, nimechtlajpalohua.

18 Nopa amatlajcuiloli catli antech-titlanilijque quipatlaque ica na nocamanal para huelqui nijmachiili huan nechpohuilijtoque. **19** Huan nitlanahuati para ma quitemoca ipan amame tlen tohuejcapan tatahua huan ticajsi-toque campa quijtohuaj para nopa Je-

rusalén masehualme tlahuel fierojti-que, huan npona amo quintlepanitaj tlanahuatiani huan miyac hueltas no-pona mosisíníjque huan motlananque. **20** Huan nojquiya ticajsitoque para ipan Jerusalén achtilui itztoyaj tlana-huatiani catli tlahuel tetique huan qui-pixtoyaj ipan inintlanahuatilis nochí nopa tlali ipan ne seyoc nali atemitl Eu-frates. Huan nopa tlanahuatiani ipan Jerusalén quiseliyayaj nochí nopa fincas huan impuestos tlen nopa tlalme. **21** Huajca ama nitlanahuatía para xij-quetzaca nopa tequitl huan xiquin-ilhuica nopa masehualme para amo ma tequitica hasta quema na nitlanahuatis ma sempa pehua. **22** Amo xitlatzihuica ipan ni tlamantli. Nimantzi xiquinque-tzaca para amo ma mohueyili catli fie-ro ipan notlanahuatilis.

23 Huan quema Rehum Gobernador huan Simsai huan ininhuampoyohua qui-selijque ni tlanahuatili tlen Tlanahuatij-quetl Artajerjes, nimantzi yajque Jerusa-lén huan ica ininchicahualis quinquetzque nopa israelitame catli tequitiyaj. **24** Huan quej nopa moquetzqui nopa te-quitl ipan itiopa Toteco Dios huan mocaj-qui quej nopa hasta quema Tlanahuatij-quetl Darío pejqui tlanahuatía ipan tlali Persia huan teipa sempa pejqui quema yo-huiyaya para ome xihuitl tlanahuatis.

Sempra quicualtlalijque nopa tiopamitl

5 Teipa nopa tlajtol pannextiani Hageo huan Zacarías, icone Iddo, quinilhuij-que nopa israelitame catli itztoyaj ipan altepetl Jerusalén huan ipan tlali Judá para Toteco Dios catli quinyacana quijtojtoya para ma tequitica huan ma quicualtlalica itiopa ipan Jerusalén. **2** Huajca Zorobabel, icone Salatiel, huan Jesúa, icone Josadac, sempra pejque tequitij huan tlajtol pan-nextijahua Toteco Dios itztoyaj ininhuaya para quinpalehuise. **3** Pero nimantzi ajsico altepetl Jerusalén Tatnai catli eliya-ya gobernador ipan ni nali Eufrates campa calaqui tonati, ininhuaya Setar Boznaí huan ininhuampoyohua. Huan inijuanti

quinilhuijque: “¿Ajqueya anmechnahuatijtoc para sempa xijsencahuaca ni tiopamitl huan ni tepamitl ipan ni altepetl? ⁴Huan ¿tlaque inintoca nopa tlacame catli quichihuaj ni tequitl?”

⁵Pero Toteco Dios itztoya inihuaya nopa israelita tlayacanani huan amo mo-nejqui quiquetzase nopa tequitl. Quinca-huilijke noja ma tequitica nochí nopa tonali catli monequiyaya para quitlajcuilhuese Tlanahuatijquetl Darío huan teipa para yaya ma quintitlanilis se amatl para quinmatiltis tlaque ipaquilis.

⁶Huan ya ni nopa amatlajcuiloli catli Gobernador Tatnai, huan Setar Boznai, huan inihuampoyohua tlen sequinoc tlalme quititlanilijke Tlanahuatijquetl Darío. ⁷Quej ni quijito:

Tlanahuatijquetl Darío:
Timitztlajpalohuaj.

⁸Tijnequij timitzilhuese tiyajque ti-paxalotoj ipan tlali Judá huan campa nopa itiopa Dios catli hueyi. Tijnequij tijmatis para quicualtlalíaj ica huejhueyi tetl, huan quitlalilijtoque huejhueyi cuatetomitl ipan nopa tepamitl. Tequijtij chicahuac huan quisa cuali nochí catli quichihuaj.

⁹Huan tiquintlatzintoquilijke nopa tlayacanani ajqueya quinnahuatijtoya para ma quicualtlalica nopa tiopamitl, ¹⁰huan nojquiya tiquintlatzintoquilijke inintoca catli quiyacanayaj nopa tequitl para tiquinijcuilose inintoca huan timitztitlanilise.

¹¹Huan technanquilijke ica ni camanali. Quijitoque: “Tijtequipanohuaj Toteco Dios catli quichijqui ilhuicactli huan tlalipactli. Tijcualtlalíaj itiopa catli huecjaya quichijchijqui se hueyi tlanahuatijquetl ipan tlali Israel. ¹²Pero tohuejeapan tatahua tlahuel tlajtla-colchijke iixpa Toteco Dios huan yeca techtlahuelcajqui huan techtemactili imaco Nabucodonosor, nopa tlanahuatijquetl ipan tlali Babilonia. Huan yaya quisosolo ni tiopamitl huan quinquixti nochí israelitame tlen inialtepehua huan quinhuicac hasta tlali Babilonia.

¹³Pero teipa quema pejqui tlanahuatía Tlanahuatijquetl Ciro ipan Babilonia huan yaya yohuiyaya para se xihuitl ipan itequi, yaya quichijqui se tlanahuatili para ma tijcualtlalica ni tiopamitl. ¹⁴Huan nojquiya nochí nopa tlaman-tli tlen oro huan tlen plata catli Nabucodonosor achtilhuya quiqxiti ipan itiopa Toteco Dios nica ipan altepetl Jerusalén, huan quihuicatoyaj huan quitlalijtoyaj ipan inintiopahua teteyome ipan Babilonia, Tlanahuatijquetl Ciro quiqxiti huan quimactili Sesbasar. Huan quinahuati ma quihualica nica Jerusalén. Nojquiya Tlanahuatijquetl Ciro quitequimacac Sesbasar ma eli gobernador nica. ¹⁵Quilhui ma quihualica nochí ni tlaman-tli para itiopa Toteco Dios nica ipan Jerusalén huan ma mocuepaca nica para quichij-chihuaquij nopa tiopamitl campa achtilhui eltoya. ¹⁶Huajca hualajqui Sesbasar huan quitlalili itzinpehualtil itiopa Toteco Dios, huan hasta ama ni tonal quicualtlalijtiyohuij huan ayamo tlatoque.” Quej nopa technanquili.

¹⁷Huajca ama timitztlajtlanilíaj sintla mitzpactía, xijtemo ipan nopa amame catli quiajocotoque sintla nelía Tlanahuatijquetl Ciro temacatoya ni tlanahuatili para ma quicualtlalica ni tiopamitl. Huan sintla, quena, huajca techmachiliti catli timoilhuía ta ipan ni tlaman-tli.

Darío tlanahuati ma quicualtlalica nopa tiopamitl

6 Huajca Tlanahuatijquetl Darío tlana-huati para ma quitemoca campa quiajocuiyaj nochí nopa amame tlen tlali Babilonia. ²Huan ipan se cali catli cuali tlasencahuali ipan altepetl Acmeta ipan nopa municipio Media, quiajisque se amatlajcuiloli huan quej ni quijito-huayaya no-pa amatlajcuiloli:

³Ipan nopa achtilhui xihuitl quema Tlanahuatijquetl Ciro pejqui tlanahuatía, temacac ni tlanahuatili:

“Monequi sempa xijcualtlalica itio-pa Toteco Dios campa eltoya ipan altepetl Jerusalén. Nojquiya xijcualtlalica

nopa tlaixpamitl campa quimacayayaj tlacajcahualistli. Xijsencahuaca quen eltoya ica ihuejcapanca 27 metros huan ipatlajca nojquiya 27 metros. ⁴Huan quipyas eyi pamitl tlen tetl huejhueyi ipan itzinpehualtil huan se pamitl tlen cuahuitl yancuic. Huan nochí catli motequihuís tlaxtlahuase ica tomi catli huala quen impuestos ipan notlanahuatilis na. ⁵Huan nojquiya ma mocuepa nochí tlamatli tlen oro huan tlen plata catli Nabucodonosor qui-quixti ipan tiopamitl ipan Jerusalén huan quihiucas nica Babilonia. Huan ma quihualica sempa altepetl Jerusalén para quitlalise ipan itiopa Toteco Dios.”

Quej nopa quiijo nopa tlanahuatili.

Huajca Tlanahuatijquetl Darío quititlanqui ni camanalí:

⁶Huajca Tequichijquetl Tatnai, ta catli tigobernador ipan ne seyoc nali atemitl Eufrates huan Setar Boznaí huan mohuampoyohua catli nojquiya itztoyaj nopona, nimechmaca ni tlanahuatili:

Nochi xiquisaca ipan Jerusalén. ⁷Xiquincahuaca nopa israelitame catli tequitij ipan itiopa Toteco Dios. Amo xiquincuatotonica. Huan xijcahuilica iningobernador nopa israelitame huan nopa tlayacanani sempa ma quisencahuaca itiopa Toteco Dios campa eltoya achitihuiya.

⁸Huan nojquiya na nimechnahuatía para xiquinpalehuica ica notomi catli tijselíaj ipan notlanahuatilis quema masehualme tlaxtlahuaj iniimpuestos ipan nopa tlalme campa tiitztoc. Nochi iningastos xitlaxtlahuaca para ma quitlamisencahuaca nopa tiopamitl huan amo ma quitlajcocabuaca. ⁹Huan nojquiya xiquinmacaca nopa totajtzitzi nochí catli mojmostla monequis para tlacajcahualistli quen torojme, oquich borregoyme, oquich pilborregojtztizi, trigo, istatl, xocomeca atl huan aceite.

¹⁰Xiquinilhui ma quimacaca tlacajcahualistli Toteco Dios quen yaya quipac-tía. Huan ma quitlajtlanica Toteco Dios por na huan por nochí noconeuhua.

¹¹Huan na nojquiya niquijtohua sintla acajya quiixpanos ni tlanahuatili, monequi quiijcuinilise se cuahuitl tlen ichaj huan nopona quicuapilose hasta miquis. Huan teipa quiso-solhuilise ichaj pampa amo quitlepanitac notlanahuatil. ¹²Toteco Dios catli quitlapejpenijtoc Jerusalén para ma quihiucas itoca ma quintzontlamilti nochí tlanahuatiani huan alte-peme catli amo quinequij para ma mochihua itiopa.

Na niDarío nitlanahuatijquetl nitemaca ni tlanahuatili para ma mochihua quen nitlanahuatijtoc.

Quisenhuiquilijke tequitque hasta tlanqui inintequi

¹³Huajca Gobernador Tatnai huan Setar Boznaí, huan ininhuampoyohua moisi-huilitijque para quichihuase quen Tlanahuatijquetl Darío tlanahuatijtoya. ¹⁴Huan nopa inintlayacanca nopa israelitame quisenhuiquilijke tequitij huan cuali quisqui inintequi pampa nopa tlajtol pannextiani Hageo huan Zacarías, icone Iddo, quisenhuiquilijke quinilhuíaj icamanal Toteco Dios. Huan quitlamisencajque nopa tiopamitl quen quinnahuati Toteco Dios huan nojquiya quen tlanahuatijque Ciro, Darío huan Artajerjes, nopa tlanahuatiani ipan tlali Persia. ¹⁵Huan quitlamiltijque inintequi ipan itiopa Toteco Dios ipan tonal 3 itequi nopa metztlí Adar ipan toisraelita calendario^c, quema Tlanahuatijquetl Darío yohuiyaya para chicueyi xihuitl tlana-huatis.

¹⁶Huan nopa totajtzitzi, huan levitame huan nochí israelitame catli mocueptoyaj inintlat quilhuichihuilijke itiopa Toteco Dios ica miyac paquillistli pampa ya qui-tlamisencajtoyaj. ¹⁷Huan quimacaque Toteco Dios para tlacajcahualistli 100 toroj-

^c6:15 Elqui huejcajya ipan se 12 itequi marzo ipan tocalendario tlen ama.

me, huan 200 oquich borregojme huan 400 pilborregojtzitzi. Huan para inintlajtlacolhua nochí nopa israelitame, quitencajque 12 oquich chivojme, se para sese icone ininhuejcapan tata Israel catli huejcajya itztoya. ¹⁸Huan quintequimacaque sesen pamitl nopa totajtzitzi huan levitame nopa tequitl catli Moisés quiijcuilo para monequi ma quichihuaca.

¹⁹Huan nojquiya nopa israelitame catli mocueptoyaj hasta altepetl Jerusalén quichijke nopa ilhuitl Pascua ipan tonal 14 itequi nopa achthui metztlí ipan toisraelita calendario ^d. ²⁰Pero achthuiya nochí totajtzitzi huan levitame mopajpajque iixpa Toteco Dios quen tlanahuati ma quichihuaca. Huan nopa levitame itztoyaj yoltlapajpactique iixpa Toteco Dios huan quimictijke nopa Pascua pilborregojtzí para nochí catli mocueptoyaj tlen tlali Babilonia. Quichijke para iniicnihua nopa totajtzitzi huan nojquiya para ininseltzitzi. ²¹Huan nochí israelitame catli mocueptoyaj tlen tlali Babilonia quicuajque nopa Pascua tlacualistli. Nojquiya quicuajque nochí masehualme catli itztoyaj ipan Judá catli mosentilijtoyaj ininhuaya para quite-mose inintECO Dios nopa israelitame. nochí nopa masehualme catli quicuajque moiyoctatlajtójay ica nopa tlajtlacoli catli ininteiximacahua quichijke, huan masque amo eliyayaj israelitame, quicuajque nopa Pascua tlacualistli. ²²Huan para chicome tonati ica miyac paquili, nochí quichijke nopa ilhuitl ica pantzi catli amo quipiya tlasonejcayotl huan TOTECO quinpaquilismacac. Paquiyayaj pampa Toteco Dios quiyoltacanjtoya nopa tlanahtijquetl ipan tlali Persia ma quicuallalica nopa tiopamitl. Huan nojquiya paquiyayaj pampa Toteco Dios quichijke para nopa gobernador ipan tlali Asiria ma quipiya hueyi iyolo para quinpalehuis más huan quinyolchicajqui para quicuallalise nopa itiopa Toteco Dios catli tiisraelitame tijtequipanohuaj.

Esdras huan sequinoc ihuampoyohua ajsicoj altepetl Jerusalén

⁷ Miyac xihuitl teipa ^e nopona ipan tlali Persia na niEsdras nimotlacachijtoya huan Tlanahuatijquetl Artajerjes ya pejtoya tlanahtia. Huan na niEsdras nieliyya icone Seraías catli eliyaya icone Azarías, icone Hilcías. ²Huan Hilcías eliyaya icone Salum, catli eliyaya icone Sadoc, catli eliyaya icone Ahitob. ³Huan Ahitob eliyaya icone Amarías, catli eliyaya icone Azarías, catli eliyaya icone Meraiot, ^fcatli eliyaya icone Zeraías, catli eliyaya icone Uzi, catli eliyaya icone Buqui, ⁵catli eliyaya icone Abisúa, catli eliyaya icone Finees, catli eliyaya icone Eleazar, catli eliyaya icone Aarón nopa achthui totajtzi. ⁶Huan na niEsdras niquisqui Babilonia huan niixtlejcotijayqui para nimocuepas altepetl Jerusalén. Na nieliyya se tlamachtijquetl catli nimomachtijtoya miyac itlanahuatilhua Moisés catli TOTECO Dios catli toDios tiisraelitame techmacatoya. Huan quema niquistejqui para niyas Jerusalén, Tlanahuatijquetl Artajerjes nechmacac nochí catli nijtlajtlani pampa TOTECO Dios itztoya nohuaya. ⁷Huan quema Artajerjes yohuiyaya para chicome xihuitl tlanahtatis, niquistejqui huan sequinoc israelitame nojquiya quisque nohuaya. Mocuepque sequin israelitame catli totajtzitzi, huan catli levitame, catli huicaní, huan catli quipixque inintequiv para tlamo-cuitlahuise ipan tiopamitl ipuertajyo huan para tequitise ipan tiopamitl. ⁸Huan na huan nochí catli mocuepayayaj nohuaya tiquisque Babilonia ipan nopa achthui tonal ipan nopa achthui metztlí ipan toisraelita calendario ^f quema Artajerjes yohuiyaya para chicome xihuitl tlanahtatis.

⁹ Huan tiasicoj altepetl Jerusalén ipan nopa achthui tonal ipan metztlí macuili ipan toisraelita calendario ^g, pampa Toteco Dios techtiochijqui miyac ipan ojtlí. ¹⁰TOTECO techtiochijqui miyac pampa nimotemacatoya para nimomachtis itlana-

^{d6:19} Elqui huecjajya ipan se 21 itequi abril ipan tocalendario tlen ama. ^{e7:1} Huelis nechca 60 xihuitl teipa. ^{f7:8} Elqui huecjajya ipan se 8 itequi abril ipan tocalendario tlen ama.

^{g7:9} Elqui huecjajya ipan se 4 itequi agosto ipan tocalendario tlen ama.

huatilhua huan nijchihuas catli quijito. Nojquiya nimotemacatoya para niquinmachtis sequinoc israelitame catli quijito.

**Nopa tlanahuatijquetl quitlajcuilhui
Esdras**

11 Ya ni iixcopinca nopa tlanahuatili catli Tlanahuatijquetl Artajerjes nechmacac na niEsdras, nitotajtzi huan nitlamachtijquetl catli nimomachtijtoc itlanahuatilhua TOTECO huan niquinmachtia sequinoc israelitame:

12 Esdras titotajtzi huan titlamachtijquetl tlen itlanahuatilhua Toteco Dios catli quichijqui ilhuicactli,

NiTlanahuatijquetl Artajerjes nimitztlajpalohua.

13 Na nijchijtoc se tlanahuatili para ma yaca mohuaya noch i israelitame, huan intintotajtzitz huan levitame catli mopantiaj ipan notlanahuatilis huan quinequij yase. 14 Pampa na huan chicome notetlalnamictijcahua timitztitlanij para xiquinpaxaloti catli itztoque ipan tlali Judá huan ipan altepetl Jerusalén huan techyolmehua quen eltoc nopena. Huan xijhuica itlanahuatilhua moTeco Dios mohuaya para titlamachtis. 15 Huan nojquiya xijhuica ni plata huan oro catli na huan notlapalehuijehuahua tijmacaj ica noch toyolo para amoTeco Dios anisraelitame catli mochantijtoc ipan Jerusalén.

16 Huan xijhuica noch plata huan oro catli tijselis tlen campa hueli ipan tlali Babilonia, ihuaya nopa nemactli tlen tomi catli nopa masehualme huan totajtzitz ica ininyolo quinequij mitzmacase para itiopa ininTeco Dios ipan Jerusalén. 17 Huan ica ni tomi tiquincohuas torojme, huan oquich borregojme huan pilborreojtzitz ihuaya nopa tlacajcahualistli tlen harina, huan nopa tlacajcahualistli catli monequi tijtoyahuas ihuaya. Nochi xijmaca moTeco Dios ipan Jerusalén ipan nopa tlaixpamtl ipan itiopa moTeco Dios ipan Jerusalén.

18 Huan noch ioro huan plata catli mocahuas xijchihuili catli ta huan mo huampoyohua anmoilhuíaj para quipactis amoTeco Dios. 19 Huan noch tlamantzitz tlen oro catli timitzmaclijtoque, xijhuicaca para motequihuis ipan itiopa moTeco Dios ipan Jerusalén. 20 Huan sintla anquinequise más tomi, o se tlenijqui, huajca xiquintlajtlanica notequipanojcahua catli tomi ajocuip ipan nopa tlalme catli noaxcahua ipan ne nali ne atemitl.

21 Huan na niTlanahuatijquetl Artajerjes, niquinmaca ni tlanahuatili noch catli tomiajocuip ipan noch altepe-me catli eltoc ipan seyoc nali atemitl Eufrates campa temo tonati: Nochi catli anmechtlatlani ni totajtzi Esdras, nimantzi xijmacaca pampa yaya se tlamachtijquetl tlen itlanahuatilhua Toteco Dios catli quichijqui ilhuicactli. 22 Xijmacaca hasta 3 mil 400 kilos tlen plata, huan hasta 22,000 litros tlen trigo, huan hasta 2,200 litros tlen xocomeca atl, huan hasta 2,200 litros aceite, huan xijmacaca noch istatl catli anmechtlatlani.

23 Nochi catli Toteco Dios quintlajtlanía ipan itlanahuatilhua para itiopa, xiquinmacaca nimantzi para amo cualanis ica na notlanahuatilis, niyon ica noconeuhua. 24 Huan nojquiya xijmatica para amo hueli anquintlajtlanise impuestos niyon se catli totajtzitz, niyon levitame, niyon huican, niyon catli tlamocuitlahuíaj puertajteno, o catli tequipanohuaj tiopa calijtic ipan ichaj Toteco Dios.

25 Huan ta, Esdras, catli tiquiximati itlanahuatilhua Toteco Dios huan catli Toteco Dios mitzmacatoc motlalnami-quilis, ta xiquintlali jueces huan tequitini para quintlajtolsencahuase noch nopa masehualme catli itztoque ipan ne nali atemitl Eufrates. Huan catli amo quiiximatij itlanahuatilhua Toteco Dios, xiquinnextili. 26 Huan sintla se acajya amo quichihuas catli quijtohua moTeco Dios itlanahuatilhua huan catli quijtohua na notlanahuatil, xijtla-

tzaculti nimantzi. Hueli tijmictis, o tijquixtis tlen motlal, o tijquixtilis nochí catli iaxca o tijtzacuas.

Quej nopa quiijo nopa tlanahuatili catli nopa tlanahuatijquetl quimacac Esdras.

Esdras quitlascamatqui Toteco

27 Huan na niEsdras nijpojqui nopa amatil huan nimotlatlajti ica TOTECO huan niquijito: "Tlascamati, TOTECO Dios, ta catli nojquiya tiininTECO tohuejcapan tatahua. Ta tijyoltacani ni tlanahuatijquetl para quej ni ma quitlepanita motiopa catli eltoc ipan Jerusalén. 28 Timitztlascamatij, Toteco Dios, pampa techicnelía huan tijchijtoc para ma techicnelica ni tlanahuatijquetl huan itetlalnamictijahua ihuaya nochí itequiti-cahua catli quipiyaj tlanahuatili."

Huan pampa TOTECO Dios techpalehui huan niitztoc ica cuali ica nopa tlanahuatijquetl, nijpixqui chicahualistli para ni-quinsentilis nopa tlayacanca israelitame para sempa ma hualaca nohuaya hasta nica Jerusalén.

Inintoca catli mocuepque altepetl

Jerusalén ihuaya Esdras

8 Ya ni inintoca ininhuejcapan tatahua nopa tlayacanca tlacame catli quisque Babilonia nohuaya na niEsdras para mocuepase Jerusalén quema tlanahuatiyaya Tlanahuatijquetl Artajerjes:

2 Gersón catli eliyaya iixhui Finees.

Daniel catli eliyaya iixhui Itamar.

Hatús, icono Secanías, catli eliyaya iixhui David.

3 Zacarías iixhui Paros.

Yajqui Zacarías ihuaya 150 iteiximatahua catli quipixque inintoca ipan nopa lista.

4 Nojquiya yajqui Elioenai, icono Zeráias, catli eliyaya se iixhui Pahat Moab. Huan ihuaya Elioenai yajque 200 tlacame.

5 Nojquiya yajqui icono Secanías catli eliyaya iixhui Jahziel. Huan ihuaya yajque 300 tlacame.

6 Huan nojquiya yajqui Ebed, icono Jonatán, huan iixhui Adín. Huan ihuaya yajque 50 tlacame.

7 Huan yajqui Jesaías, icono Atalías huan iixhui Elam. Huan ihuaya yajque 70 tlacame.

8 Nojquiya yajqui Zebadías, icono Micael huan iixhui Sefatías. Huan ihuaya yajque 80 tlacame.

9 Huan yajqui Obadías, icono Jehiel huan iixhui Joab. Huan ihuaya yajque 218 tlacame.

10 Huan nojquiya yajqui Selomit, icono Josifías catli eliyaya iixhui Bani. Huan ihuaya yajque 160 tlacame.

11 Huan nojquiya yajqui Zacarías, icone Bebai huan iixhui seyoc catli itoca Bebai. Huan ihuaya yajque 28 tlacame.

12 Huan nojquiya yajqui Joanán, icone Hacatán huan iixhui Azgad. Huan ihuaya Joanán yajque 110 tlacame.

13 Huan nojquiya yajque tlateipa Elifelet, Jeiel huan Semaías catli eliyaya iteipan ixhuihua Adonicam. Huan ininhuaya yajque 60 tlacame.

14 Huan yajque Utai huan Zabud catli eliyaya iteipan ixhuihua Bigvai. Huan ininhuaya yajque 70 tlacame.

Inintoca catli tequitque ipan tiopamitl

15 Huan na, niEsdras, niquinsentili nechca nopa hueyatil catli yohui para altepetl Ahava huan timocajque nopona eyi tonali. Huan njitemo ipan nopa lista para njimatis catlique israelitame huan catlique totajtzitzí ajsitihualayaya, huan ni-momacac cuenta para niyon se levita amo hualajtoya. 16 Huajca niquinnotzqui ma hualaca Eliezer, Ariel, Semaías, Elnatán, Jarib, Elnatán, Natán, Zacarías huan Mesulam catli itztoyaj tlayacanca tlacame, huan Joiarib huan Elnatán catli eliyaya tlamachtiani. 17 Huan niquinnauti ma quipaxalotij Iddo, se tequitquetl ipan israelitame ipan altepetl Casifia. Niquinilhui ma quiilhuitij Iddo huan iienihua catli tequipano huayayaj ipan tiopamitl ipan Casifia para ma techtitlanilica tlacame para tequitise tiopan calijtic ipan itiopa Toteco Dios ipan altepetl Jerusalén. 18 Huan tijtlascamatilíaj Toteco Dios pampa techtitlanilique se tlacatl catli tlalnamiqui ca-

tli itoca Serebías, ihuaya itelpocahua, huan iicnihua. Huajca mochijque 18 tlacame. Huan Serebías eliyaya icone Mahli huan iixhui Leví catli huecjajya. ¹⁹Huan nojquiya hualajque Hasabías huan Jesaías catli eliyayaj iteipan ixhuihua Merari. Huan nojquiya hualajque iconehua huan iicnihua Hasabías. Huajca para nochí eliyayaj 20 tlacame.

²⁰Huan nojquiya hualajque 220 tlacame catli quimatque tequitij tiopan calijtic, pero amo levitame. Huecjajya David huan itequiticahua quichijke se lista huan quintequimacatojaj ni tlacame inintatahua ma quinpalehuica levitame tiopan calijtic.

²¹Huan teipa nochí mosentilijque campa nopa atemidl Ahava. Huan nopona ni quinyolmelajqui para timosahuase huan timotlancuaquetzase iixpa Toteco Dios huan tijtlajtlanise ma techmocuitlahui tojuanti, huan toconebla, huan nochí catli tijhuicayayaj para amo tleno topantis ipan toojhui. ²²Na nipingajqui para njtlajtlanis nopa tlanaquatijquetl para isoldados huan tlacame ipan cahuayojoyme para ma techmanahuisquíaj tlen tocualancaitacahua ipan ojtl. Ya niquilhuijtoya para Toteco Dios quinmocuitlahuía catli quitlepanitaj. Niquilhui ichicahualis huan icualancayo Toteco Dios san quinajsis catli quitlahuelcahuaj. ²³Huajca amo njtlajtlanis ma techmocuitlahui, san timosajque huan tijtlajtlanique itlapalehuil Toteco Dios, huan yaya techtlacaquili.

²⁴Teipa niquiniyocatlali 12 tlayacanca totajtzitz, huan nojquiya Serebías, Hasabías, huan majtlactli iinicnihua. ²⁵Huan niquinmactili ininmao nochí tlamantli tlen plata, huan tlen oro, huan nochí nopa tlamantzitz catli tijpixque, nopa tlamantzi catli nopa tlanaquatijquetl, itlaconsejomacacahua, itequiticahua huan nochí nopa israelitame techmacatoyaj para itiopa Toteco Dios. ²⁶Huajca njtamachijqui nochí ipan balanza huan etixqui:

21,450 kilos tlen plata,
100 tlamantli tlen plata para mote-
quihuise catli quipixqui 3,600 kilos
3,300 kilos tlen oro,

²⁷20 caxitl tlen oro catli ica nochí etix-
qui quen 8 kilos huan tlajco
2 vasos catli tlahuel yejeiectzitz tlen
bronze catli tlahuel quipojpojtoyaj
huan pajpatiyo eliyaya quen oro.

Huajca nochí ni tlamantli njtlali ininma-
co.

²⁸Huan niquinilhui: "Antlaiyocatlalil-
me para TOTECO huan nojquiya tlaiyocat-
tlalili huan tlatzejtzelotic para ya nochí
ni tlamantzitz tlen plata huan oro catli
masehualme quimacatoque ica nochí inin-
yolo para TOTECO Dios catli totatahua noj-
quiya quihueyichijke. ²⁹Xijpiyaca miyac
cuidado huan xicajocuica cuali hasta que-
ma anajsitj altepetl Jerusalén huan sem-
pa anquitamachihuase iniixpa nopa tlaya-
canca totajtzitz, nopa levitame, huan no-
pa huehue israelita tlacame. Huan teipa
anquinmactilise, huan inijuanti quiajocui-
se ipan itiopa TOTECO." ³⁰Huajca nopa to-
tajtzitz huan levitame quiselijque nopa
plata, oro huan tlamantzitz, huan quinel-
tocaque para eltoya xitlahuac ietica quen
quitamachijtoyaj. Huan quihuicaque Je-
rusalén para ichaj Toteco Dios.

³¹Huan tiquisque campa nopa atemidl Ahava ipan 12 itequi nopa achihui metz-
li ipan toisraelita calendario^h para tiyase
altepetl Jerusalén. Huan Toteco Dios tech-
mocuitlahui ica imax huan techmanahui
ica nochí tocualancaitacahua huan nopa
tlachtequini ipan ojtl. ³²Huan quema ti-
ajsoj Jerusalén, timosiyajquetzque eyi
tonati.

Quihuicaque nopa tlamantzitz itiopa TOTECO

³³Huan ipan tonal nahui tijhuicaque
nochí plata, oro huan tlamantzitz ipan
itiopa Toteco Dios. Huan nopa totajtzitz
Meremot, icone Urías, huan Eleazar, icone
Finees, huan nopa levitame, Jozabad, ico-

^h8:31 Elqui huecjajya ipan se 19 itequi abril ipan tocalendario tlen ama.

ne Jesúa, huan Noadías, icone Binúi, qui-tamachijque nochí no-pa tlaman-tli. ³⁴ Qui-po-que sesen tlaman-tli huan quitlalijque ipan balanza para qui-mati-se quesqui ietica, huan quii-cuilojque quesqui tlaman-tzi-tzi huan quesqui ietica ipan se amatl para nochí qui-mati-se catli quiselijtoyaj.

³⁵ Huan nojquiya no-pa israelitame catli mocue-toyaj nohuaya na, niEsdras, qui-maca-que Toteco Dios tlacajcahu-alistli tla-tatili. Quinten-cajque 12 torojme, se para sese iconehua Israel catli itztoyaj huejca-yá. Huan quinten-cajque 96 oquich borre-gojme, ⁷⁷ pilborrego-jtzitzti huan 12 oquich chivojme. Huan nochí quitlatijque iixpa TOTECO.

Quinmactilijque no-pa amatlanahuatili no-pa tequitini

³⁶ Huan tiquinhui-quilijque no-pa gober-nadores huan tequitini ipan itlanahuatilis ipan ni nali atemtl Eufrates no-pa amatl catli no-pa tlana-huatijquetl quitlantyo. Huan huajca techpalehuijque tiisraelitame ica catli monejqui ipan itiopa Toteco Dios.

Inintlajtlacolhua no-pa israelitame catli achtihui mocueque

9 Teipa quema ya tlantoya nochí no-pa tequitl, hualajque no-pa tlayaca-na israelitame para nechitaquij huan nechil-huijque para miyac israelitame, hasta noj-quiya no-pa totajtzitzti huan levitame, amo moiyo-cat-lajtoyaj ica no-pa fiero cananeos, heteos, ferezeos, jebuseos, amonitame, moabitame, egiptome huan amoreos catli nica itztoque. Ya quichijtoyaj catli fiero iixpa Toteco Dios. ² Quincahuilijtoyaj no-pa masehualme ma mosihuajtca ica ini-ichpocahua huan nojquiya quintemojto-que iniichpocahua no-pa seyoc altepeme ehuani para inintelpocahua ma mosihuajtca. Huajca toxinajcho tiisraelitame catli Toteco Dios techtlapejpenijtoc para tiax-cahua quimanelo-jtoque ica ni masehualme ipan ni tlalme catli amo israelitame huan catli amo tlaneltocani. Huan nechil-hui para achtihui quichijque ni tlajtlacoli toisraelita tlayacancahua huan tlana-huatiani.

³ Huan quem-a nijcajqui nochí ya ni, nij-tzayanqui noyoyo, huan nijhuihuitlac se-quin notzoncal huan notenzo para ma ne-si nijpixqui hueyi tequipacholi. Huan te-ipa nimosehui tlalchi. ⁴ Huan miyac israel-itame catli quiimacasiyayaj itlatzacultil Toteco Dios por no-pa tlajtlacoli catli mo-chihuayayaj, mosentilijque nohuaya. Pero amo aqui nijnojnotzqui, niyon amo nimo-quetzqui hasta quem-a ajsic hora para tij-tlatise tlacajcahu-alistli para Toteco Dios ica tiotlac. ⁵ Teipa nimoquetzqui ica noyo-yo tzayantoc huan ica miyac tequipacholi huan niyajqui nimotlancuaquetzato iixpa TOTECO noDios. Nopona nimomatlanan-qui iixpa huan pejqui nimotlatlajtía, ⁶ huan niquilhui:

Noteco Dios, tlahuel nipa-nahua para nimoixayactlananas moixpa pampa tlahuel miyac titlajtlacolchijtoque moixpa. Huan no-pa tlajtlacoli catli tijhui-caj moixpa onajsitoc hasta ilhuicac. ⁷ Hasta quem-a itztoyaj tohuejcapan ta-tahua huan hasta ama, tiisraelitame tij-senhuiquilijtoque ipan tlajtlacoli. Huan yeca techcajtoc tojuanti, totlana-huatijcahua huan totajtzitzti, ininmaco tlana-huatiani ipan sequinoc tlalme. Huan techquixtijque ipan totlal, tech-cocojque, techtlachtequilijque huan techpinahualtijtoque. Huan quej no-pa techpixtoque hasta ama.

⁸ Huan ama, TOTECO Dios, techtlas-softlatoc para se tlatoctzi, huan techca-huilijtoc para se quesqui tojuanti ma ti-mocuepac-a nica ipan altepetl Jerusa-lén huan para nica tijpiyase se pilquen-tzi motequi ipan motiopa catli tlatzej-tzelotic. Tijchijtoc ma tipa-quica para se tlatoctzi huan techmacatoc yancuic nemilistli huan para ma caxani ietica totequi catli tlahuel ohui eliyaya. ⁹ Pampa tiitztoyaj titequipanohuani catli iniaxcahua totecojhua, pero ta amo quem-a techtlahuelcrajqui. Techicnelij-toc huan tiquinyoltacani tlana-huatiani ipan tlali Persia para inijuanti nojquiya techicnelijque. Huan pampa no-pa tlana-huatiani mitzimacasij ta, techpale-huijtoque para tijcualtlalijque motiopa

catli quisosolojtoyaj. Huan techchijtoque para ma tiitztoca temachtli nica ipan ni tlali Judá huan ipan ni Jerusalén altepetl.

10 Huan ama Toteco Dios, ¿tlaque huelis tiquijtose? Sempa timitzixpano-toque huan tijcajtoque motlanahuatilhua, **11** catli techmacatoc ica motlajtol pannextijcahuia achtihiuya. Pampa achtihiui techilhui para nopa cuali tlali catli tijselisquíaj para toxaca eltoc tlahuel fiero moixpa por tlajtlacoli. Tlahuel amo tlapajpactli eltoya moixpa tlen campa pehua hasta campa ontلامي pampa nopa masehualme catli itztoque quisoquihuijtoque ica inintlajtlacolhua catli amo tijnequi tiquitas. **12** Techilhui nojquiya para amo ma tiquincahuilica para toichpocahua ma monamictica ica inintelpocahua, niyon totelpocahua ica iniichpocahua. Techilhuijtoc para amo timohuampoxchihuase ininhuaya, niyon amo tiquinpalehuise para quipiya-se catli cuali. Techilhui sintla tijchijtos-quíaj quen tiquijto huajca tijpiyasquíaj chicahualistli, huan totlal quipiyasquíaj tlahuel miyac itlajca. Huan elisquía temachtli totlal para tiquincahuilijte-huasquíaj toconehua, pero amo tijcажue.

13 Huan teipa ta tlahuel techlatza-culti por nochí catli fiero tijchijtoque. Nelía ayamo techlatzacultía quen quinamiqui por nochí nopa tlajtlacoli catli tijhuicaj moixpa. Pero masque ya nopa, techicnelijtoc huan tijchijtoc ma timocuepaca sempa nica ipan ni altepetl Jerusalén. **14** Pero masque nochí ya nopa catli techchihuilijtoc, sempa tiquixpanotoque motlanahuatilhua, huan timosansejcotilijtoque ininhuaya ni masehualme nica catli tlahuel fiero quichihuaj. Huelis ama temachtli ti-cualanis, huan techtzontlamiltis nochí tojuanti huan amo mocahuas niyon se.

15 ¡Ay TOTECO Dios! Ta catli TOTECO tiisraelitame. Ta tixitlahuac huan yeca techlatzacultijtoc hasta san se ome tojuanti noja tiitztoque hasta ama. Huan ama tlahuel titlajtlacolchijtoque

sempa. ¿Quenicitza huelis timoquetza-se moixpa?

Nopa israelitame sempa moiycatlalijque para Toteco Dios

10 Huan nimocajqui nimotlancua-quetztox iixpa Toteco Dios huan ni-quilhuiyaya totlajtlacolhua ipan itiopa huan nichocayaya chicahuac. Huan que-ma noja nimotlatlajtiyaya, ajsicoj miyaqui tlacame, sihuame huan coneme catli cho-caque chicahuac nohuaya. **2** Teipa Secanías, icone Jehiel, catli ichaj ehuani Elam techilhui: “Tijmatij para titlajtlacolchijtoque ica Toteco Dios pampa timocuiljtoque sihuame catli seyoc tlali ehuaj, pero noja huelis Toteco Dios techtlasojtas tiisraelitame. **3** Huajca ma tijchihuase se ca-manal sencahualli iixpa Toteco Dios huan tiquincahuase nochí tosihuajhua huan to-conehua catli amo israelitame. Huan tij-chihuase nochí catli ta huan injuanti catli quitlepanitaj Toteco Dios technahuatfaj. Tijchihuase nochí quen quijtohua itlana-huatilhua Toteco Dios. **4** Huajca ama xi-moquetza huan techilhui tlaque monequi tijchihuase pampa ta mitztocarohua ni te-quitl. Ximoyolchicahua huan tojuanti ti-itztose mohuaya.”

5 Huajca na, niEsdras, nimoquetzqui huan niquinilhui nopa tlayacanca totajtiz-tzi huan levitame huan nochí israelitame para ma quijjtoca sintla quichihuasquíaj quen Secanías quijjitojtoya. Huan quijjitoj-que para, quena. **6** Teipa na niEsdras nicalajqui ipan itiopa Toteco Dios ipan icuarto Johanán, icone Eliasib, huan amo nitla-cuajqui, niyon amo tleno niquijic pampa tlahuel nimotequipachojtoya ica inintlajtlacolhua masehualme catli mocueptoyaj ipan altepetl Jerusalén tlen tlali Babilonia.

7 Huan quinyolmelajque nochí israelitame catli mocueptoyaj huan itztoyaj ipan tlali Judá para ma mosentilica ipan Jerusalén. **8** Huan sintla acajya amo moix-nextisquíaj ipan Jerusalén ica eyi tonali quen quijjitojtoya nopa tlayacanani huan huehue tlacame, huajca quincuilsquíaj inintlal, huan nochí catli iniaxca, huan

quinpanquixtisquíaj huan ayacmo moiximatisse para israelitame.

ⁱ9 Huan ipan 20 itequi nopa chicnahui metztlí ipan toisraelita calendarioⁱ, nochí tlacame catli itztoyaj ipan tlali Judá huan tlali Benjamín moixnextijque ipan altepetl Jerusalén huan mosehuijque ipan nopa hueyi plaza iixmelac itiopa Toteco Dios. Huan hasta huihuipicayayaj pampa qui-matiyayaj para se hueyi tlamantli catli ica quinnotztoyaj. Huan nojquiya huihuipicayayaj pampa tlahuel tlaquiyahuiyaya chihuac. ¹⁰Huajca na nimoquetzqui, niEsdras, nitotajtzi huan niquinilhui:

—Antlajtlacolchijtoque pampa anmosihuajtijtoque ininhuaya sihuame catli amo israelitame. Yeca anquihueyiljitoque totlajtlacolhua tiisraelitame huan nopa tlatzacuiltilstli catli tijselise. ¹¹Huajca ama xijpohuaca amotlajtlacolhua iixpa TOTECO Dios, yaya catli inintECO tohuej-capan tatahua. Xijchihuaca catli ya ipa-quilis huan ximohuejcatlalica tlen nopa masehualme catli ehuañ ni tlali huan xi-quincuepaca amosihuajhua catli amo israelitame.

¹²Huan nochí nopa tlacame catli mosentilijtoyaj nopona tlananquilijque chihuac:

—Cualtitoc, tijchihuase nochí catli tijquijtojtoc. ¹³Huan nojquiya quijtojque: Ama tlaquiyahui chichahuac huan amo huelis tihuejcahuase timocahuase calteno ipan ni tonali quema mojmostla tlaquiyahui. Huan ni tlamantli amo mosencahuas ipan se tonal pampa tlahuel timiyaqui tojuanti catli titlajtlacolchijtoque. ¹⁴¿Amo hueli san mocahuase nica totlayacan-hua quen topatlacahua tojuanti huan qui-sencahuase quema techtlajtlolsencahuase sesen tojuanti? Huan teipa quema techil-huise catlique tonal ma tihualaca, timoix-nextiquij nica tojuanti catli timocuiljitoque sihuame catli amo israelitame. Tihua-lase ininhuaya nopa huehue tlacame huan jueces tlen toaltepehua catli quimatiy catli

mela huac. Huan tisesenahuase nochí ni tlamantli cuali iixpa Toteco Dios quen qui-namiqui hasta quiyolpactis huan ayacmo toca cuananis.

¹⁵Huan nochí quijtojque para cuali quen quijtojtoyaj. San Jonatán, icone Asael, huan Jahazías, icone Ticva, ini-juanti amo quinpacti, niyon amo quin-pacti Mesulam, huan Sabetai catli eliya-ya se levita. ¹⁶Pero masque amo quin-pactiyaya, ya nopa tijchijque. Huan nechtlapejpenijque na, niEsdras nitotaj-tzi, huan sequinoc tlacame catli itztoyaj tlayacanani ipan nopa huehuey famili-as tlen inintatahua. Huan techilhuijque ma titetlajtolsencahuaca ipan ni tlaman-tli. Huan teipa timosentilijque huan ti-pejque titequitij ipan nopa achthui tonal ipan metztlí majtlactli ipan toisrael-ita calendario^j. ¹⁷Huan amo titlanque tiquincamanalsencahuaj nochí catli mosihuajtijtoyaj ica catli amo israelitame hasta ipan nopa achthui tonal ipan nopa achthui metztlí ipan toxihui^k.

Iniixhuihua totajtzitzí catli mocuilihuijtoyaj sihuame catli seyoc tlali ehuañ

¹⁸Ya ni inintoca iniixhuihua totajtzitzí catli mocuilihuijtoyaj sihuame catli amo isra-elitame:

Tlen iteipan ixhuihua Jesúa catli eli-yaya icone Josadac, huan nochí iic-nihua:

Maasías, Eliezer, Jarib huan Gedá-lías. ¹⁹Huan quen quitencahuilij-toyaj Toteco Dios, nochí quincaj-que ininsihuajhua huan moyol-cueque tlen inintlajtlacolhua huan quimacaque Toteco Dios se oquich borrego para se tlacajca-hualistli para inintlajtlacolhua.

²⁰Huan tlen iteipan ixhuihua Imer: Hanani huan Zebadías.

²¹Huan tlen iteipan ixhuihua Harim: Maasías, Elías, Semaías, Jehiel huan Uzías.

ⁱ**10:9** Elqui huecjajya ipan se 19 itequi diciembre ipan tocalendario tlen ama. ^j**10:16** Elqui huecjajya ipan se 29 itequi diciembre ipan tocalendario tlen ama. ^k**10:17** Elqui huecjajya ipan 27 itequi marzo ipan tocalendario tlen ama.

- 22 Huan tlen iteipan ixhuihua Pasur:
Elioenai, Maasías, Ismael, Natanael, Jozabad huan Elasa.
- Levitame catli mocuilijtoyaj sihuame catli seyoc tlali ehua**
- 23 Ya ni inintoca levitame catli quichijtoyaj:
Jozabad, Simei, Kelaía (catli noj-quiya itoca Kelita), Petaías, Judá, huan Eliezer.
- 24 Ya ni itoca huicani catli quichijtoyaj:
Eliasib.
Ya ni inintoca catli tlamocuitlahuijque ipan tiopa ipuertajyo catli quichijtoyaj:
Salum, Telem, huan Uri.
- 25 Ya ni inintoca sequinoc israelitame catli mocuilijtoyaj sihuame catli amo israelitame:
Tlen iteipan ixhuihua Paros:
Ramía, Jezías, Malquías, Mijamín,
Eleazar, Malquías huan Benaía.
- 26 Tlen iteipan ixhuihua Elam:
Matanías, Zacarías, Jehiel, Abdi,
Jeremot huan Elías.
- 27 Tlen iteipan ixhuihua Zatu:
Elioenai, Eliasib, Matanías, Jeremot, Zabad huan Aziza.
- 28 Tlen iteipan ixhuihua Bebai:
Johanán, Hananías, Zabai huan Atlai.
- 29 Tlen iteipan ixhuihua Bani:
Mesulam, Maluc, Adaía, Jasub, Selal huan Ramot.
- 30 Tlen iteipan ixhuihua Pahat Moab:
Adna, Quelal, Benaía, Maasías, Matanías, Bezaleel, Binúi huan Manasés.
- 31 Tlen iteipan ixhuihua Harim:
Eliezer, Isaías, Malquías, Semaías, Simeón, ³²Benjamín, Maluc huan Semarías.
- 33 Tlen iteipan ixhuihua Hasum:
Matenai, Matata, Zabad, Elifelet, Jeremai, Manasés huan Simei.
- 34 Tlen iteipan ixhuihua Bani:
Madai, Amram, Uel, ³⁵Benaía, Bédias, Quelúhi, ³⁶Vanías, Mermot, Eliasib, ³⁷Matanías, Matenai huan Jaasai.
- 38 Tlen iteipan ixhuihua Binúi:
Simei, ³⁹Selemías, Natán, Adaía, ⁴⁰Macnadebai, Sasai, Sarai, ⁴¹Azareel, Selemías, Semarías, ⁴²Salum, Amarías huan José.
- 43 Huan tlen iteipan ixhuihua Nebo:
Jeiel, Matatías, Zabad, Zebina, Jadau, Joel huan Benaía.
- ⁴⁴Nochi ni tlacame catli nica eltoc inintoca mocuilijtoyaj sihuame catli amo israelitame huan sequin nopa sihuame ya quinmacatoyaj ininconeuhua.